

Sosiaal- da tiörvâsvuõttministeria asetõs

puäzzháiddji sâjjsažvie'kk jáänmösmie'rr rest ee'jj 2024 uvddum sosiaal- da tiörvâsvuõttministeria asetõõzz mu'ttmest

Sosiaal- da tiörvâsvuõttministeria tu'mmstõõgg meáldlânji mu'ttet puäzzháiddji sâjjsažvie'kk jáänmösmie'rr rest ee'jj 2024 uvddum sosiaal- da tiörvâsvuõttministeria asetõõzz (1161/2023) 1 § tän nalla:

1 §

Sâjjsažvie'kk jáänmösmie'rr

Puäzzháiddji sâjjsažvie'kkest uvddum lää'jj (1238/2014) 1 § 1 momee'ntest jurddum sâjjsažvie'kk jáänmösmie'rr ee'jj 2024 lij 200 čiássád puäzzháiddai õõl.

Tät asetõs puätt viõ'kke kâlggmannu 1 peei'v 2024 da lij viõggást 31 peei'v rájja joolmannust 2024.

Tän asetõõzz suávlde'mmen sâjjsažvie'kk 200 čiáss jáänmösmie'rra looggát še puäzzháiddai ee'jj 2024 ái'ggen õu'ddel tän asetõõzz viõ'kkepuáttmõõžž áá'nmem sâjjsažveä'kkčiássid, kooi šõõddtem kool lie ko'rvvuum.

Láá'ssen sâjjsažvie'kk 200 čiáss jáänmösmie'rra vuei'tet lookkád sâjjsažveä'kkvuõiggádvuõđ ooccâm puäzzháiddai ee'jjest 2024 õu'ddel tän asetõõzz viõ'kkepuáttmõõžž áá'nmem sâjjsažveä'kkčiássid, kooi šõõddtem koolaid jeät leäkku veäl ko'rvvääm. Täái sâjjsažveä'kkčiássid šõõddtem koolai ko'rvvõõzz vuei'tet ooccád puäzzháiddji sâjjsažvie'kkest uvddum lää'jj 10 §:st jurddum ooccâmáái'j puuttám máñña, jos ooccâmáái'j ij tuõttáá'ssest leäkku vuei'tlvaž jáá'kkted. Ko'rvveemoocemõš álgg tuejjeed kuuitág máámõõzzást joolmannu 2 peei'v 2024.

He'Issnest 16.9.2024

Sosiaalstaaniminister Sanni Grahn-Laasonen

Halltõspiisar Anne Vänskä